

पूना शैहर

सत्यपाल शास्त्री

पूना नगर अपनी इतहासक परम्परा, प्राकृतक सौंदर्य, विद्या केन्द्र ते उद्योगक कर्म्म-धन्धे आर्स्त परसिद्ध ऐ ।

समुद्रतल कोला इसदी ऊंचाई ८०० मीटर ऐ । इसदी जनसंख्या 20 लख दे लगभग ऐ । मूला ते मूटा दौ नदियां इसदी शोभा गी चौगुना करी दिन्दियां न ते केइयें थाहूँरें श्रीनगर शैहरा दे मझाट बगदी जेहलम नदी दा दृश पेश होई जन्दा ऐ ।

चतरफा मह्घात्रि प्हाड़ियें दी शृंखलायें दे कन्ने-कन्ने सज्जे दा नगर बड़ा गै सुन्दर । बाकी शैहरें आला लेखा पूने शैहरा दे घर मकान ते बजार घने नईं न । बिच्च-बिच्च बाग ते सैलतन ते फुल्लें ने भरे दे रुख ते बेल्लां इस नगर दी शोभा गी चार चन्न लाई दिन्दे न । इत्थुआं दी जलवायू बड़ी सुहामी—नां मती तती ते नां गै मती ठण्डी ऐ । शैहरा च मतियें जगहें बाग बगीचे ते निक्के-बड्डे पानियें दे तलाऽ न । इन्हें बागें च—सारस उद्यान ते पेशवा गार्डन मते मशहूर न ते चैह्ल-पैह्ल आले बारौनक बाग न । पेशवा-गार्डन बिच गै इक चिड़ियाघर ऐ, जित्थें नेकां जानवर त पक्खरू-पखेरू लोकें दे आकर्षण दा केन्द्र बने दे रौह्न्दे न ।

लोक :—इस शैहरा च हर जाति दे लोक रौह्न्दे न । ओह्, बड़े सादे न ते उनेगी म्हेशां अपने कर्म्म दा गै फिकर रौह्, दा ऐ । इत्थूँ दियां जनानियां ते कुड़ियां जरूर किश शक्रीन बनियां-तनियां रौह्, दियां न । साड़ी इन्दी मुख पुशाक ऐ । सुगन्धत तेल-क्रीम मलनी ते अपने जूड़ेगी सगन्धत फुल्लें दे हारें कन्ने सजाना इन्दे शगार दा मुख अंग ऐ । केईं कुड़ियां बँल्लवाटम, पैट तँ स्कर्ट बी लांदियां न । चोरी-ठग्गी इत्थें बड़ी घट्ट ऐ । जनानियां सुन्ने दे गैह्, ने पाइयें नौकरी करने गी जन्दिद्यां न ते बजारें च इक्कलियां-मुक्कलियां फिरदियां न । हां, अभ्यंकर परिवार दा हत्याकांड इसदा अपवाद जरूर ऐ ।

